



ՀԱՅՐԵՆԻ ՀԱՐԱԶԱՏ ՀՈՂԻ ՎՐԱ

ԲՆԱԿԱՐԱՆՆԵՐ ՀԱՅՐԵՆԱԴԱՐՁՆԵՐԻ ՀԱՄԱՐ

ՍՏԵՓԱՆԱՎԱՆ.— Շրջանում լայն աշխատանք է ծավալվել հայրենադարձ հայերի համար նոր բնակելի տներ կառուցելու ուղղությամբ: Կոլխոզների ուժերով և պետությունից ստացած միջոցներով հայրենադարձները շրջանային կենտրոնում կառուցելու են շատ տներ: Դրանցից մի մասը արդեն կառուցված ու շահագործման է հանձնված:

Իրենց համար բնակելի տներ են կառուցում նաև շրջանի գյուղերում բնակություն հաստատած սովետական նոր քաղաքացիները:

ԿԻՐՈՎԱԿԱՆ.— Արտասահմանից հայրենիք վերադարձած հայերի համար բնակարանային ու կենցաղային նորմալ պայմաններ ստեղծելու ուղղությամբ զգալի աշխատանք է կատարված քաղաքում:

Կարճ ժամանակամիջոցում բնակարանային շինարարության վրա ծախսվել է զգալի գումար: Շատ ընտանիքներ բնակարան կառուցելու համար ստացել են հողամաս և 30-հազարական ռուբլու վարկ: Շատերը արդեն ապրում են իրենց սեփական լուսավոր ու գեղեցիկ բնակարաններում, իսկ մյուսները շտառով կալարտեն իրենց նոր տների կառուցումը: Բացի այդ, շատ հայրենադարձներ նոր բնակարաններ են ստացել հիմնարկ-ձեռնարկություններին պատկանող բնակելի շենքերում:

Նորքում և նրա շրջակայքում ապրում են մեծ թվով հայրենադարձ հայեր: Հայրենադարձների թաղամասում այս տարի կառուցվելու են տարրական դպրոցի, կինո-թատրոնի, բուժարանի, մանկապարտեզի շենքեր, ֆիզկուլտ-խաղերի հրապարակ, ընդարձակվելու է ջրմուղի ցանցը, տնկվելու են պտղատու և դեկորատիվ ծառեր:

Այժմ փորվում են այդ շենքերի հիմքերը, շինարարությունների վայրն է տեղափոխվում շինանյութ:

Ընթացիկ տարում մեծ միջոցներ են հատկացվում Նրևանի, հայրենադարձներով բռնակեցված, նոր ավանների բարեկարգման համար:

Ավելի քան մեկ միլիոն ռուբլի բաց է թողնված ավանների էլեկտրիֆիկացման համար: Նախատեսված է մինչև նոյեմբեր ամի-

սը էլեկտրահաղորդման գծերը հասցնել ավանները: Ավանների աշխատավորները մեծ եռանդով ձեռնամուխ են եղել էլեկտրիֆիկացման նախապատրաստական աշխատանքներին:

Արտասահմանից իրենց հայրենիքը՝ Սովետական Հայաստան վերադարձած հազարավոր հայրենադարձներ ներկայումս հրնարավորություն ունեն սիստեմատիկ կրթություն ստանալու: Հայկական ՍՍՌ Լուսավորության մինիստրությունը այդ նպատակով նրանց համար ստեղծել է բոլոր անհրաժեշտ պայմանները:

Ներկայումս միջնակարգ մասսայական դպրոցներում սովորում են հազարավոր հայրենադարձ երեխաներ. մոտ 1000 պատանի ու աղջիկ էլ սովորում են բանվորական ու գյուղական երիտասարդության դպրոցներում:

ՀՈԳԱՏԱՐՈՒԹՅՈՒՆ ՀԱՅՐԵՆԱԴԱՐՁՆԵՐԻ ՆԿԱՏԱՄԱՐ



րում և արհեստագործական ուսումնարաններում: Կազմակերպված են անգրագիտության վերացման 17 և կիսագրագիտության վերացման 56 խմբակներ, որոնց մեջ ընդգրկված են ավելի քան 1000 սովորողներ: Հայրենադարձ երեխաների համար միայն Երևանի դպրոցներում կազմակերպված է 42 դասարան, իսկ Նոր Զեյթուն և Նոր Բովսանիա ավաններում բացված են նոր դպրոցներ, որտեղ հարյուրավոր երեխաներ են սովորում:

Ռեսպուբլիկայի ուսուցիչները մեծ սիրով են զբաղվում հայրենադարձ երեխաների դաստիարակության և ուսուցման գործով: Նրանք ոչ միայն դպրոցներում, այլ և զբարոցից դուրս անհատական կարգով պարապում են երեխաների հետ: 270 ուսուցիչներ անհատական կարգով պարապում են ավելի քան 890 երեխաների հետ:

Ռեսպուբլիկայում աշխատում են արտասահմանից հայրենիք վերադարձած ավելի քան 145 ուսուցիչ, որոնց սիստեմատիկ կեր-

պով մեթոդական օժանդակություն է ցույց տրվում:

Բերիկ.— 1948 թվի ընթացքում շրջանի բազմազավակ ու միայնակ մայրերին տրված է 144 հազար ռուբլու նպաստ:

Հայրենադարձ 54 մայրեր ստացել են 32 հազար ռուբլու միանվագ նպաստ: Այժմ շրջանում նպաստ է վճարվում 978 բազմազավակ մայրերի, որոնցից 137-ը հայրենադարձներ են:

Շրջանի բազմազավակ մայրերից երկուսը պարզեատրվել են «Հերոսուհի մայր» շքանշանով, 143-ը «Մայրության մեղալուծ»: Պարզեատրվածներից 55-ը հայրենադարձներ են:

Շրջանում այժմ գործում են 5 մանկամուտը, 11 մանկապարտեզ, 5 մանկաբարձական կետ, մանկական կոնսուլտացիաներ, կաթնախոհանոց:

ՉԵՅՓՈՒՆ ԱՎԱՆՈՒՄ

Զեյթուն ավանում, որտեղ մեծ մասամբ ապրում են հայրենադարձ հայեր, կառուցվում են պոլիտեխնիկայի և ակումբ-գրադարանի շենքեր: Շինարարության համար հատկացված է 750 հազար ռուբլի:

Այժմ կատարվում են այդ շենքերի հիմքերի փորման աշխատանքները:

Կատարվում է նաև ծառատնկում. տնկվելու է մոտ երեսուն հազար ծառ:

Ավանում կազմակերպվել է մանկամուտը:

